

Tecla Kelly di SAC

A pesar cu ambiente tabata tenso, reunion entre gobierno y SAC a bay den bon ambiente

ORANJESTAD – Aunke cu e ambiente tabata basta tenso, e reunion entre gobierno y SAC a bay den bon ambiente, segun presidente di Stichting Arubaanse Carnaval, Tecla Kelly.

Esaki den cuadro di e impasse cu tin entre e gruponan di carnaval y SAC, caminda cu minister di cultura, Otmar Oduber, kier a para intermediario pa asina yega na un solucion pa loke a sosode aña pasa entre e dos gruponan.

Purbando

Gobierno y directiva di SAC a sinta hunto pa asina discuti riba varios punto cu a bin ta tumando luga y e criticanan for di diferente banda riba e fundacion aki. Manera cu a wordo indica

anteriormente, e esfera durante e reunion tabata tenso. Tenso, ta ora cu tin cu sinta pensa kico a wordo papia, segun Kelly. E reunion aki tabata caminda basicamente wak kico lo ta e solucion, yega na otro, disponibilidad pa traha hunto, segun Kelly. Pa SAC, tur hende cu kier bin cu sugerencia, incluso pa sinta cu e gruponan, esey nunca lo ta problema. Pa Kelly esey lo bay bin den futuro, cu lo bay traha riba dje.

Ningun hende ta perfecto Kelly a sigui splica cu semper unda cu traha tin fout. Ningun hende no ta haci un trabao perfecto. Pero por bisa si cu tin cosnan cu a wordo repasa den e mesun carta cu nan a yega di haya di e grupo. Awor aki SAC ta bay sinta hunto otro siman, pa pasa den

e peticion di minister. Un cos Kelly a bisa si cu carnaval 61 ta na caminda y ta bay tin un carnaval sigur. Pa otro siman si tur cos ta cla, lo bay sinta bek y pa bin na otro.

Cambio den SAC

E cambio cu e gruponan kier cu nan kier ta den SAC tambe, segun Kelly. Si ta e caso cu e gruponan kier un cambio den e constelacion di SAC, eyan tampoco no tin problema, segun Kelly. E ta sigui splica cu e gruponan kier ta den SAC. SAC semper ta habri pa sugerencia. Un cos no mester lubida, SAC ta e Stichting, e t'ey, pero e hendenan no ta keda. E fundado mes a fayece. Fuera di esey tin varios hende cu ta sali y ta un cuestion di drenta sali. Tin cu hinca par di hende nobo y esey lo por bira bon. Kico ta

e innovacion cu e gruponan kier trece, Kelly no sa. Gobierno kier sa kico por haci pa yega hunto, prome cu dicidi con ta bay haci.

E problema mas grandi cu Gobierno tin ta cu e gruponan a para riba cu nan no lo participa, si SAC no cambia of si nan no haya participacion. Aki ta caminda cu SAC ta bisa cu nan tin e disponibilidad pa sinta cu tur hende.

Mando pa 5 aña

Kelly a bisa cu ora cu el a sinta, cu e ta bin pa 5 aña. E no ta kere den keda sinta na cabes pa hopi aña. Si e pone su mes den 38 aña, manera defunto fundado Milo Croes, e no lo por haci'e. For di despues di a haci 5 aña, por bay pa 10, etc. Tin varios cos mester drecha den SAC. Tur hende por bisa

cu tin hopi cambio a tuma luga den SAC prome y awor cu SAC di Tecla. Esun cu bin despues di Kelly, mester mehora SAC.

E ta bay haya un SAC, caminda cu por haya un draaiboek. Por djis yega y traha y sigui innova den dje.

aña 61 tin cu wak con cos lo bay. Ta yega un momento cu e curpa mes ta pidi descanso, segun Kelly. E por cana ainda full e ruta y haci tur cos, pero semper tin cu wak dilanti, mester wak famia.

Trabao no ta facil

No mester lubida. Ta den SAC, no ta un trabao facil. Kelly a splica cu esunnan cu a bin, sikiera un aña pa yuda den SAC, por papia cuanto trabao tin. Ora cu ta den SAC ta otro ora cu ta pafo, Kelly a bisa finalmente. □